

kalo san 1980

san kònòntònnan — nimòrò 103

sètanburu kalo

san 1980

bp:24 - bamakò (mali)

téléfòn : 22104 — ccp : 0155

dòròmè 4

kibarudilalaw kuntigi : amadu ganyi kantè

kibaru

a bè bò kalo o kalo, faso ka kibarudiso ka yamaruya kònò

yèrèta ni gèlèya ani hakili

san 1980 sètanburu kalo tile 22 don, mali ye san 20 sòrò. bée y'a dòn ko san 20 tè foyi ye jamanaw ka yèrèta sira kan; sanko jamana minw bòra farajèw ka mara kònò san 1960 la, i kòrò.

fantan jamanaw bolo, yèrèta kòrò ye sègèn ni gèlèya de ye. ni farajèw ma baara nyènama kè jamana àndò; ni foyi tè jamana dugukolo sanfè an'a jukòrò, jamanadenw bè sègèn.


yèrèta gèlèya n'a sègèn fura ye baara de ye; baara nafama, min tònò bè jamana denw bée lajèlen kan, i n'a fò forobakow.

nka, baara tè se ka kè, sanko foroba baara, hakili kò ; hakili nyuman, min bè kanu, bén ani kelenya sinsi jamanadenw ni nyôgòn cè.

baara tè se ka kè waridunnaw kérè fè; a tè se ka kè yurugu-yurugu móggòw kérè fè ; baara tè se ka kè nyémoggò juguw kérè fè; a tè se ka kè baarakèla còròkòlen kérè fè.

mali jamana ye san 20 sòrò. a b'i n'a fò foyi ma bò gèlèya la. a b'i n'a fò dò de bè fara a kan san o san. a bè dinyè yòrò bée. nka hakili nyuman de b'a doni finyèya. an'k'an yèrè dèmè an'ka nyôgòn dèmè. n'o kérà, ala b'an dèmè.


amadu ganyi kantè kibarudilalaw kuntigi bamakò (mali)



jakòngò "cilss" jamanaw kònò

jakòngò barika bè ka bonyè "cilss" jamanaw kònò, n'olu ye kapu wèri, ganbi, hòtiwòlita, mali, moritani, nizèri, senegali ani tishadi ye. kasara sera hadamadenw ma, kuma tè baganw ani jiriw ma. sanjiw jòra, dalaw ni kòw ani baw jara. foyi tè móggòw bolo kuma t'u kònò ma.

o siratigè la, "cilss" peresidan, n'o ye zenerali musa tarawele ye, o ye welekan bila dèmèbagaw ma, dinyè kònò, jèkakuma sen fè, min kèra san 1980 uti kalo tile 15 k'a d'a kan, ni dèmè ma lase " cilss " jamanaw ma joona, tinyèli barika bè bonyè ka t'a fè.



mariyamadi sisokolawalekènèdugu jamana

a tun bè fò **sikaso** n'a laminini duguw de ma ko **kènèdugu**. kènèdugu faama dugu fòlò kèra **fènkolon** de ye. **dawulaba** tun sigilen bè fènkolon. ale de ye **folona** bée mara. faama minnu sigira ale kò, olo de ye dò fara jamana bonya kan.


faama **dawula tarawele** ni **wataraw** ye kèlè caman kè : **kòn wataraw ni bòbò wataraw**. a sara san 1877.

ngolo kunanfa sigira fanga na, o ye dawula denkè fòlò ye. nka, **ngolo sara kunbalà**, k'a sòrò, a ma san kelen sòrò fanga na.

a dògònin **cèba** tun taalen bè ci la segu, o seginna ka na bèn su ko ma. cèba sigira fanga na. ale ka faama dugu kèra sikaso ye.

*
* *

cèba ye masa **dawula ni kunko** den ye. a denmisènma minèna jònya na **julaw** fè, a fa y'a kunmabò. nka, cèba ye jònya min kè **bòbòw** fè, a ma nyinè o kò abada. bawo, mògò min ye jònya kè, o man kan ka sigi fanga na kènèdugu. nka, cèba tun ye cè farin ye. bée dar'o la **fokaw** ka muruti sen fè. o de kosòn, cèba sigira sikaso faamaya la:




cèba ye dawula sòrò. a ye **kinyan** faama kèlè, ka **miyènkaw** mara. kinyan faama salen, cèba ye **ganadugu** ni **kapolondugu** kèlè. cèba ye **karabaso** mara, ani **ngorona** ni **balulu**. **cèni, munyina, sibiraso**, cèba ye nin bée mara.

cèba ni **samori** tuura nyögòn na. cèba sera **bolo mamuru** la **gilajè**. o tun ye samori ka kèlè kuntigi dò ye. cèba sera **ntarimori** la **kobana**. o fana tun ye samori ka kèlè kuntigi dò ye. san 1887 la, samori ye daga sigi sikaso da la : kalo tan ni wòorò, mògò tè bò, mògò tè don, sikaso tun lamininen bè ni tata de ye. samori dèsera sikaso la, a y'i kò don.

babènba sigira fanga na, cèba salen. o waati la, **tubabuw** tun ye **tusinyèw ni turukaw** kèlè, k'u mara. u tun sera **ganadugu** fana ma.

babènba tun ye cè farin ye. nka, a tun tè se wageya la, i ko a kòròkè cèba. tubabuw n'a ma se ka bèn kè. tubabuw tun ye kapitèni **morisòn** de ci, ka taa babènba yòrò. o ye morisòn minè, k'a da fara ci saba ye, k'a boloko, ka npogo don a la, k'a ka taa o jira a tubabuw nyögòn na. o bë kèlè kun bò. tubabuw nana gèlèw sigi sikaso da la. u ye tile tan ni duuru kè kèlè la. sikaso minèna mè kalo tile fòlò, san 1898 la. babènba y'a yèrè faga, ko tubabuw tègè tè da ale nyènama kan.



amerik
642 di
ri la)wa
"hòti
kònò.o
san 1980
22.ameri
lenw bée^{gòn}
kan,
fo ka se
bèn maj
fila ani

k'a t
kalo ti
a tile
denmisè
nyènajè
dògòkun
kili j
denmisè
man sir
kun tè
tugun.
ka diny
bè den
n'a naf
li ma,

afir

san 1
25 bèn
san 17
jamanaw
sigi se
etiyopi
sa k'u
ti ; k'
k'u bar
kan di
kelenya
san, mè
kè gint
na 50 b

-din

tônba
kènèya
kònò,n'
o y'a j
33 nan
wisi j
kèlèla
banna
1970
hakè ja

kunnafoni

amerikènw ye miliyòn 642 di mali ma, (mali wari la) walasa ka operasón "hoti wale" dèmè mande kònò. o kèra alamisa don, san 1980 zuwèn kalo tile 22. amerikènw ka wari dilenw bée mana fara nyögón kan, kabini a daminè fo ka se sisan ma, olu bée bèn mali wari miliyari fila ani tila de ma.

k'a ta san 1980 zuwèn kalo tile 22 la k'a bila a tile 29 na, mali ye denmisènw ka dögökun nyènajèw k'e san o san, dögökun kelen bée k'e hakili jakabò la ka taa denmisènw ladon cogo nyuman sira fè. denw ladon kun tè nyè fò mogòsi ye tugun. an bée lajèlen ka ka dinyè latigè sigilen bée den de kan. den diyan'a nafa ka bon a labila li ma, i n'a fò bagan.

afiriki kònò

san 1980 mè kalo tile 25 bëenna "oua" sigili san 17 nan ma. farafin jamanaw jèra ka tònba in sigi sen kan, adisabeba, etiyopi jamana la, walasa k'u ka kelenya sabati; k'u ka sòròw jiidi; k'u barikaw fara nyögón kan dinyè ko bée la. o kelenya de kòsòn, san o san, mè kalo tile 25 bée k'e gintan je "oua" jama na 50 bée lajèlen kònò.

-dinyè kònò-

tònba min nyèsinnen bée kénèya sinsini ma dinyè kònò, n'a bée wele ko "oms" o y'a jira a ka tònsigi 33 nan sen fè zenèwu suwisi jamana la ko nson kèlela k'a ban pewu. a banna afiriki kònò san 1970 la, in'a fò san 3 hakè jamanatòw kò fè.

banaw furakè cogo

jòntè fura : i bée sira mugu ani foronto tobi k'o min.

kelebe fura : i bée can-kara nugukun baron k'o d'a la.

nyèdimi fura : n'i sera ka surukuntòmónón kisè hakè min kunun, i b'o san hakè k'e ka sòrò nyè dimi m'i sòrò.

kunbabì fura : i bée toro fura baron, ka ji k'a la, ka kaba kuru bil'a a la, k'a k'e k'i wusu.

mugu fura : i bée mugu furanin nyini, k'a bila ji goni la, k'u sen digi n'a ye.

mamari jara ka bò karajè bananba lamini kulukòrò mara.



mali denmisènw ye nyögonye k'e, ka bèn a kan k'u ka kan k'u jòyòrò jira faso baara la, siratigè bée lajèlen na; k'a ta sirabaw dilali, ani duguw saniyali, ka t'a bila digiw ani babiliw dilali la. o kama, denmisènw yamaruyalen don k'u fara nyögón kan u ka duguw, arondisimanw, ani laminiw kònò, ka baaraw k'e, ka fasoden tòw dèmè ka gèlèya caman kèle. baara minw kèra selenge, yuwaru ani tumutu, olu ye ko daminè ye; sabu faso baara ye kudayi ye.

musoya

gundo ani sutura,
sègèn ani munyu,
cèsiri ni timinandiya,
du kalamènè n'a lahinèbaga,
denw naanibaga n'u ladonbaga,
jòn ko muso tè fèn ye ?

ban ko ma ni sòn ko ma.
cèbakòrò masiri
fanga kunnabiri
sògòma dolo
jòn ko musoya ye mònè ye ?

cèkòrò sangare
lakòlikaramògò
baginda

sira kèlè cogo ?

walasa ka hadamadenw kisi masiba kèlen ninw ma, a ka kan sira ka kèlè dinyè fan bée lajèlen kòn ; • tè se ka kè abada kaari ani limaniya kò.

gofèrènaman ka kan ka kaari sira na-folé kò, sabu fosi tè hadamaden nò fa hadamaden yèrè kò; hadamaden ni ka di ni nafolé ye cogo bée lajèlen na. sigarati-dila iziniw ka kan ka datugu, ka pérappa-gandiw dabila arajow la. • kò fè, sira minni ka kan ka kòn jamana yòròw la, i n'a fò sisikurun kònona, ani kalansé kònona ; sabu hali n'i tè sigarati min, dò ta sisi bée se k'i bana.

sira tè se ka kèlè limaniya fana kò. o limaniya bée bò siraminnaw yèrèw de yòrò. u ka kan k'a dòn ko sira tè balo ye, ko ji fana tè ni mögò tè se ka jèn a kò. u man kan k'u jò, saya muru ka da u kan na, ka sòrò ka sigarati bila, i n'a fò an balimakè dòkòtòrò abudulayi jalo y'a jira cogo min na. u ka kan k'u nege de kèlè, ka limaniya sòrò ka sira bila pewu. fosi tè se sira masiba la, sira bilali yèrè kò.

ayiwa, kènèya dògòkun fila in barow bolila nin fèn damadòw de kan. min bée fò ka da nin kan, o ye ko dòkòtòrò y'u ka baara kè; a tò tora laadilikan ninw matrafali nyuman de ye. o kama, kènèya ani hadamadenya sabatili minisiri y'a jira, a ka kuma kòn, kènèya dògòkun datuguli lahala ya, ko a ka kan laadilikan ninw ka labato; sabu dinyè bée yòrò min sisan, kènèya sabatili tè dòkòtòrò dòròn ka baara ye ; bée lajèlen kunko don.

mögò si tè se ka kènèya dògòkun baro ninw nara ro ka se a dan na ; jamana tè bò nògò la abada ni baara tè, wa baara fana tè kè fèwu ni hadamaden ma kènèya a ni na. walasa kènèya fana ka sabati, a kan tuma bée dòkòtòrò ka kunnaconi di mögòw ma kènèya sira kan; nka nafa tè sòrò kunnaconi fana la ni laadilikan ma lamèn mögòw fè. kabini ala ye dinyè da, kalan ma ban, nyogonfaamu ma ban, wa koto-nyogon-ta-la fana ma ban, o la, anwaka mifiri la, aw na laadilikan ninw matrafa.

kènèya dògòkun fila datugula juma don, awirili kalo tile 25, san 1980.

badama dukure
kibarudilala bamakò
(mali).

bamanankan

samanni signidenw
(voyelles longues)

aa.....daamè.....bonheur
ee.....seere.....témoignage
èe.bèelèvase pour encens
ii....diinè....religion
oo....joona.....vite
uu...duuru.....troubler
biri.couvrir, se baisser
biri.....traire
dèbèn.....natte
dèfè.....tresser
jansa.....gratifier
jantèlè...croc-en-jambes
faaro.....genie des eaux
faasi.....tout à fait
gafe.....livre
gala.....indigo
haali.....certes
haalo.....bailler
kabanogò.....nuage
kabasen.....nuage.
laafa.....bonnet
laaminè.....vexation
maga.....toucher
magan.....effort
naalo.....esprit
naalo.....suie

ii....dingè.....trou
on....don.....entrer
òn....dòn.....savoir
un....dun.....profond

nunna signidenw

(nasales)

an....an.....nous
en...denbaya.....famille
èn....fèn.....chose

kuma

cèkòròba in yelen don. a musc dinyè la.

ja fanga bony ma bèn, minnu bée dun. warak bée dun. cèkòr y'a ye cogo t'a saraka deli.

don dò, cèkòr ga nin kòrò, ji o falen don ji si na ji daga kènè k'i bila daga ki bée dèsè, n'a y' y'o kè sinyè tar daga da sòrò. f'a ye daga da

o y'a sòrò, cèkòr ka ntori in lajè bée mögò kuman nyè t'a la. n'o ne kumanyògòn "ne bée baara kè

cèkòròba y'a kè o cogo la. fo san tan, cèkòr dò la, k'a to cil sira sanu kurur sanu nin ta, kc

SOGO



kibaru kanubagaw kuma yòrò

kuma n'a kòrò :

cèkòròba ni ntori

cèkòròba in ye sènèkèla ye, a kelen don. a muso sara, a denw taara dinyè la.

ja fanga bonyana, nyò falen cogo ma bèn, minnu falenna, ntònw ye o bée dun. warabilenw ye a ka woso bée dun. cèkòròba dabari banna, a y'a ye cogo t'a la, a wulila ka taa saraka deli.

don dò, cèkòròba in dalen bè a ka ga nin kòrò, ji daga dò b'a kérè fè, o falen don ji suma la. ntori dò na-na ji daga kérè fè, a b'a fè k'i pan k'i bila daga kònò, n'a y'i pan, a bè dèse, n'a y'i pan, a bè dèse. a y'o kè sinyè tan, sinyè bisaba, a ma daga da sòrò. a ma panni dabila, f'a ye daga da sòrò.

o y'a sòrò, cèkòròba in sigilen bè ka ntori in lajè. cèkòròba ko : "ala bè mògò kumanyògònya, k'a sòrò, i nyè t'a la. n'o ye tinyè ye, ala ye ne kumanyògònya bi!" cèkòròba ko : "ne bè baara kè, fo ka taa n sa."

cèkòròba y'a fò cogo min, a y'a kè o cogo la. san saba, san duuru, fo san tan, cèkòròba bè cikè la. don dò la, k'a to cikè la, a ka daba gosira sanu kuruma la. cèkòròba ye sanu nin ta, ka taa n'a ye a ka so

kolonnin kònò.

cèkòròba ye misi san, ka muso fu-ru. a den minw y'i ban a la ka taa dinyè na, olu bée nana.

nin bée b'a jira de k'an ka baara

kè, an kan'a kè bi nata kama. ala mana fèn min sigi mògò nyè, mògò si tè se k'o ta i nyè.

Ibèrèhima Danbèlè Jatawali

ka bò kucala

k'a ta awirili kalo tile 28 la, ka taa a bila a tile 30 la, kalan dò kèra Sirakele, Kucala kòori sènè baarada nyémögòw fè.

o kalan nyémögòya tun bè Mama-du Yusufu Sise bolo, n'o ye o baarada karamögò kùntigi dankan ye.

kènè in kan, kalanden minw tun bè yen, o ye Kucala kòori sènè baarada nyémögò dankan ye (Dugufana Tarawele), ani sekitérè nyémögò (Seku Amadu Cero), ani ci-kèlakòlidèn kùntigiw, kòori sènè baarada balikukan karamögòw n'a misi dògòtòròw, ani lakòli karamögò minw bè Sirakele.

kalan in nyèsinnen bè

- foroba tònw nafa ma dugu kònò.
- cikè gafe bayèlèmani ma bamanan kan na.

- ka dò fara baliku karamögòw ka dòntaw kan.

- ka faamuya cogo nyuman caman di kalanden bée ma kalanjè ni jate kan.

- kalan in bène jènsèn sèkitérè kònò baliku karamögòw fè, ka nyèsin cikèlakòlidèn ma.

foli bè Sirakele lakòli karamögòw ye, k'a da u ka kelenya ni faamuya konyuman kan, min bè u ni sènèkè nyémögòw cè dugu kònò.

kalan in kèra nisòndiya kònò. an ka foli bè kòori sènè baarada nyémögòw bée ye, minw y'an dèmè ni musakaw ani kalan kè minènw ye.

an b'a nyini nyémögòw fè, kalan in nyògòn kana fama ka kè.

Kucala sèkitérè kalanden fòlòw

sogow fagali



zoforè, n'o ye sàriwusida ye min nyèsinnen iiko ani kungoko ma, o nyémögòba tun ye mògò bée lajèlen ladònniya. ko ka sogow fagali dabila.

nka, halibi dòw bée ka sogow faga, bée lajèlen ka kan ka dòn, ko sariya bée fèn bée la-wa sariya labatobaliya fana bëna ni bo-nyè tinyè ye.

o tèmènnen kò, sariya in nafa bée baganw kan cogo min na, a bée hadamadenw yèrè kan o cogo kelen na ; sabu, nin baganw jiidila, k'u bugun, u tè taa k'an dan, k'a d'a kan u b'an ka dugukolo kan.

nka, ka marifa t'u cè la, sogow tè bugun abada. o kò-són, bée ka kan ka dòn ko lasasi dabilala.

yèrèkalan gafe kuraw

ka bò Seriwala

ne b'a nyini balikukalan nyémögòw fè, ani kibaru nyémögòw bée lajèlen, u k'u jija kosèbè ka bamanan kan sèbèn, k'a kè liburu ye, k'a caya mali fan bée kònò.

o la sa, balikukalan ni kibaru ye kunnaconi caman di mali cikèlaw ma, ani baganmaralaw, ani mòn-nikèlaw bée lajèlen ma u ka baara kè cogo nyuman kan.

nka, hali bi, an ka sini nyèsigi dè, n'o ye liburu ko ye. liburu bée se ka san tan kè, o tè fara abada.

Yakuba Buware

an terikè Yakuba Buware ma foyi fò a ka lètèrè kònò, ni tinyè sèbè sèbè fè. a haminanko ye min ye, o kéra an fana bée lajèlen haminanko ye.

o kosòn, an nisòndiyalen bée mögò ladònniya bi, k'a fò ko gafe kura fila bòra kosa in na. o gafe fila sèbènnen bée bamarian kan na, ka nyèsin cikèlaw ma. kelen bée shèmara cogo nyuman de kan, kelen bée cikè baganw ko de nyèfò.

shèmara


du caman tè sòrò farafinna, ni shè tè min kònò. an teriw Amadu Tanba Dunbiya ani Kauffmann ye nin gafe in sèbèn k'a nyèsin ko min ma, o ye ka nafa sòrò shèw la, nafa min sòròli ka teli, n'a ka nògòn fana.

a ka c'a la, an ka shèw bée balo u yèrè ma. o de b'a to, du caman kònò, shèw tè se ka caya ka tèmè 30 kan : shèw mana caya, fèn misenninw t'u balo belen, kolon kò-òla nyòw t'u bò, a caman bée sa, k'a sababu kè balo dèse ye. n'i ye gafe in kalan, shè balo cogo bée ji-à i la, min bée se ka shè caya du kònò, fo k'a se shè kèmè, walima kèmè fila ma.

an bée b'a dòn ko shè banaw bée

shèmara

Ama du Tanba Dunbiya
B. Kauffmann



8/1980

shè caman faga san o san. saw, ja-kuma waraw, daamèw ni sègèw fa-na bée caman faga an ka shèw la. an bée se ka kisi o tinyèni ma cogo min na, gafe in b'o fana nyèfò.

n'i ye jateminè kè an ka shèmu-sow fan da cogo la, i bè taa a sòrò, shèmuso kelen kelen bée fan 50, wali-ma 70 da san kelen kònò. liburu in bée cogoya dò jira i la, min bée se

ka shèmuso kelen kelen fan caya, fo k'a se kèmè ma san kònò.

shè mara cogo kòrò bée cogo min, shè mara nafama ye min ye, shè ka balo ka kan ka kè min ye, nafa min bée sòrò shè si yèlèmani n'a soginni na, shèsulu jò cogo, fèn minw bée se ka shè kisi bana ma, gafe in b'o bée pereperelatigè i ye. a sòngò ye dòròmè 30 ye.

cikè ba

fòlo, cikèla tun ye
ganmarala tun ye
si tun tè si ka baara
ika, an bée bì bì
k'ò fò ko sènè tè
bagannara yèrè
nafaw bée nyögòn
dadamu ye cikèla bol
o de y'a to, cikè
bè u ka baganw
man, u ka nyinitaw

gafe kura dòw bòra

cikè baganw

fòlò, cikèla tun ye cikèla ye, baganmarala tun ye baganmarala ye. si tun tè si ka baara kè.

nka, an bè bi bi min na, a yera k'ò fò ko sènè tè taa baganmara kò, baganmara yèrè tè taa sènè kò. u nafaw bè nyogòn kònò. o kèra daamu ye cikèla bolo.

o de y'a to, cikèla faamuyalen bée bée u ka baganw ladon konyuman, u ka nyinitaw bée se ka sabati

cogo min na. o nyinitaw la kunba-
baw ye baara ye, ani nògò, ani so-
go, ani misidenw, ani nònò.

cikèlaw dèmèni kosòn, an terikè Morisi Sanòn y'i bolo mòonòbò nin liburu in sèbenni fè, walasa balikukalandenw bée se ka sinsi bere sòrò u ka cikè baganw mara ko la.

o liburu bée kunnafoñi di cikè baganw ka baara de kan, ani cikè misiw sugandili cogo, ani baganw ka banaw, ani cikè baganw ka dumunifèn nyumanw, ani bagan nògò, k'o bée nyefò, k'a jèya. o liburu sòngò ye dòròmè 50 ye.

cikè

baganw



a sèbènbara :

morisi sanòn
kita

liburu nin fila bée se ka sòrò tiga ni suman sènè baarada ka baliku-kalan karamògòw fè, minw sigilen bée Bafulabèn, Kita, Kulukòrò, Kolokani, ani Segu. a bée se ka sòrò tiga ni suman sènè baarada nyémögòso la, b.p. 72, Bamakò.

hakili jakabò

nin liburu fila nana fara tòw kan, minw bòra ka kòrò, n'olu filè nin ye :

- 'bolociw' : o nyefòra kibaru nimòrò 62 la. a sòngò : dòròmè 25.
 - 'misimara' : o nyefòra kibaru nimòrò 63 la, a sòngò : dòròmè 25.
 - 'Daa ka Kòrè kèle' : o nyefòra kibaru nimòrò 64 la. a sòngò : dòròmè 80.
 - 'nyòninsan' : o nyefòra kibaru nimòrò 65 la. a sòngò : dòròmè 25.
 - 'jì ni kénèya' : o nyefòra kibaru nimòrò 65 la. a sòngò : dòròmè 25.
 - 'basikililabaara' : o nyefòra kibaru nimòrò 84 la. a sòngò : dòròmè 30.
 - 'n ka nakò' : o nyefòra kibaru nimòrò 96 la. a sòngò : dòròmè 50.
 - 'dòlòmin' : o nyefòra kibaru nimòrò 96 la. a sòngò : dòròmè 50.
 - 'cinnidaw' : o nyefòra kibaru nimòrò 96 la. a sòngò : dòròmè 50.
 - 'Sunjata Keyita ka maana' : o nyefòra kibaru nimòrò 96 la. a sòngò : dòròmè 50.
 - 'Jònkolonin kèle' : o nyefòra kibaru nimòrò 96 la. a sòngò : dòròmè 165.
- o liburu kòrò bée bée se ka sòrò yòrò min na, o ye : èmpirimeri Kase Keyita, b.p. 21, Bamakò.

an kòni hamankò ye, liburu ko daminènen in ka barika sòrò ka taa a fè, fo ka taa se liburu kémè ni kò ma. bawo, an terikè Yakuba Buware y'a fò cogo min, liburu ko ye sini nyèsigi de ye.

san 1980 sètanburu kalo tile 8 balikukalan sanyèlèma seli 15 nan

san 1980 sètanburu kalo tile 8 bennna balikukalan sanyèlèma seli 15 nan de ma. a bennna kibaru yèrè ka medayi sóró san 8 nan ma ; bawo, "unesco" ye sebaya medayi di kibaru ma, san 1972 sètanburu kalo tile 8 don yèrè.

mali kónó, sètanburu kalo tile 8 gintanw labènna cogoyaw la, minw ye bée lajèlen misondiya. tile 5 jalen de kera nyènajè la, kibaruso kónó.

san o san, sètanburu kalo tile 8 gitanw bë kë jamanaw kónó, minw ye balikukalan sigi sen kan, walasa ka kumfiaw bò mógo.

balikukalanso nyémogów ye baaraw kë cogo jira jama la ni sinimambów aai fo-

tow ye. yèrèkalan gafew, minw dilara an ka kan sèbènnaw bée la, olu fana jirala. bagi minw dilara a gintan kama, olu feerela mógo.

tulon minw kera k'a gintan sankorôta olu kera kòtè tulon aai donsow ka sinyèna. jama min yera san 1980 sètanburu kalo tile 8 nyènajè yòró la, kibaru kónó, mógo si ma se ka hakè dòn o la.

n'i y'a ye jamana nyémogów sónna ka nafolo baa yirika caman don nyènajè niaw da fè, kana nyininkali kë, baara kelen de ye wasa kë, o la sa, tulon kana sèbè sa an bolo. an k'an jija ka to an ka nyémogóya sigi yòró la, afiriki kónó, balikukanko aai kibaruko la.

amadu ganyi kantè kibarudilalaw kundi gi bamakó (mali).

mali ye san 20 sóró yèrèta sinsi bere ye baara ye

yèrèta sanyèlèma seliw t'a gitanw dòrón ye. n'a don sera, hakiliw ka kan ka jigin baara de fòlò la. baara ma bò baara ma,

bawo, yèrèta sinsi bere ye baara de ye. o la sa, an ka baara dusu don nyogón kónó, walasa jamana sóró ka caya.

kibaru ka masala "ud pm" kan

nin kibaru kónókow bë latómón tuma min na, "udpm" kuntigiso tun bë ka wele bila sèkisón ma walasa u k'u hakilinataw sèbèn k'u ci joona bamakó yasa pariti ka kóngèrè baralen ka se ka labèn.

tòndenw hakilinataw nyinikum ye ka yèlèma don jamana fanga bolow sariyaw la, politiki sira kan; bawo, mógo caman y'a jira, lajè caman sen fè, ko sariya caman bennan tè tònden caman ma, k'a d'a kan, o sariyaw bë kow latèmènnai sumaya, wali k'u bali.

ni kow dum ma latèmèn a cogo la, parti kòmò baaraw bë nagasi ; tòndenw bë saliya ; nyémogów bë kóngagan ; foyi tè nyènabò.

komi yèlèma tè se ka don sariyaw la fo kóngèrè baralen, o de kósón mógo hakilinataw nyinina sani sètanburu kalo cè, walasa kóngèrè ka se ka labèn joona, pariti kuntigiso fè.

a kaca a la, ni bén kera kow la, ka sariyaw yèlèma, k'u bén kow latèmèn cogo ma, "udpm", malidenw bëe ka foroba tòndenbè bila sira nyuman.

san kònontò

òkutòburu ka

bp:24 -

telefòn : 2

kibarudilalaw

san 1980
mali jaman
ye zenera
ye, o ye
jamana gof
kabini m
san 1960

NFanyan
sènèkèké

U.N.
ka S

An bë bi
en ni naam
de Mali fan
e, baara c
na dò bò a
usaka minw
O kósón,
U.N.F.M" y
eru kalo
hariya mi
rè ami
nyo, dent